

ուսկութեանց ու թշնամութեանց անխախտ  
 մնաց հաւատքին մէջ, և ըստ կարելւոյն  
 բազմաթիւ ուրիշ անձեր հրապուրեց և  
 միաբանեցուց վերոյիշեալ ճշմարիտ հա-  
 ւատքին հետ, վկայութիւններովը տոհմա-  
 յին մատեաններու: Ի հաւաստիս, ներկայս  
 անձամբ գրեցի և ստորագրեցի, և սովո-  
 բական կնիքովս հաստատեցի: Տրուած Հը-  
 ոում, Ս. Ժողովին ապարանքին մէջ, Ս.  
 Յովհաննէս Մկրտչի եկեղեցւոյն մօտ:

29 Դեկտեմբեր 1663

(Կնիք) Պօղոս Բիրումալի Արքեպիսկո-  
 պոս» (6):

Հակառակ այս յանձնարարականնե-  
 րուն, հակառակ Սրբգ. Պապին բարեացա-  
 կամութեան, որուն կը վկայէ Յակոբ կա-  
 թողիկոս (7), Ոսկան՝ Հոում ևս չի գտներ  
 ակնկալուած օգնութիւնը: Իր հրատարա-  
 կած Աստուածաչունչի յիշատակարանին  
 մէջ, յետագային, ան կ'ըսէ. «Գնացի ի  
 Հոումայ. գոնեա անդ գացի յաջողութիւն  
 գործառնութեանս. և անդ ևս ոչ եղեւ ինչ  
 մխիթարութիւն օգնականութեան գործոյս,  
 վասն յոգունց պատճառաց ներհականաց,  
 թէ ի մերայնոց ազանց, և թէ ինքեանց  
 կանոնաց և սահմանաց» (8):

(6) Աճդ, fol. 189:

(7) Archivio S. C. P. F. Cong. Ar-  
 meni, vol. 2, fol. 288:

(8) Լեւ, Աճդ, 449: